

四庫全書

集部

欽定四庫全書

集部

五音家播芳大全文粹卷五十七

詳校官侍郎_臣劉躍雲

助教_臣常循覆勘

總校官編修_臣王燕緒

校對官中書_臣李荃

謄錄監生_臣徐紹城

欽定四庫全書

五百家播芳大全文粹卷五十七

宋 魏齊賢

葉 蔡同輯

疊幅

參政 樞密

與張參政小簡

伏自執事參秉國鈞凡緣稟毫髮之才皆蒙收用如某

門牆舊物當是爐錘中受賜一人之數而獎用過當非
意所及重勤誨飭恩言慰藉勉以造官即日航湖僕被
而行尚欲策磨朽鈍以效一割之用而力小任重不可
負荷必至顛殞以孤任使伏紙占謝以愧以恐

時事多故更用大吏視之殆不如棊也叅政自結主知
進登三事倚注之重度越諸公靖康以還一人而已側
聞淮寇衆散而歸宗社再安鼎司空位當屬元勳即聽
常之間以慰天下之望

某愚暗自用屢觸怨咎投閒置散乃分之宜叅政念一夫不獲之辜必欲滌除瑕垢復齒於縉紳嚴詔初下亟上免奏率意之所欲言止欲感動上聽而言狂意拙不悅已者又復醞釀以為大罪以叅政秉造物之柄噓枯吹生而某頭方命薄動輒得咎莫如解去全璧而歸區區之心方俟朝夕投誠上

與叅政小簡

王元長

秋氣淒清恭惟鈞候動止萬福某承之宰屬賴雲陰雖

未以罪斥而門牆緬無從趨侍僭越詞問記室

某屬者數以竿牘仰勤聽覽正恐犯分獲罪左右鈞慈
貶損必賜誨飭以故區區之私每不自安至於感戴榮
施又非一言所能了也即日不審鈞用何似風露益冷
敢計妙理冲和歸待晷旒發揮賢業使生靈出塗炭之
中而躋仁壽之域蓋天下之望也

某曩晚踈拙方欲丐歸田里未及下手而丞相已去矣
孤迹廟堂既無相知而言者攻呂似未已不知如某者

得全璧歸否四顧茫然無所控告欲望鈞慈惻然以一
書為席叅言之使得一在外遠闕待盡山林其為恩造
何翅生成之賜也恃桑梓之末輒忘僭越惟叅政留念
幸甚

賀叅政正小簡

余子儀

蒼精司候歲序肇端恭惟弼亮公忠天人叅介鈞候興
居萬福某代匱偏城仰叨雲蔭尚遙叅拜鈞墀謹具柔
訥申詞記室

謹持申問之儀祇載前楮即此東風解凍氣令尚寒不
審鈞履復何似欽想翼宣盛美道茂經綸戢穀之繁明
靈默贊更祈重為社稷生靈精調茵鼎下符傾祝之勤
不備

元祚屆期三朔正始實天地交泰之辰品物咸亨之際
仰惟大忠碩德輔行洪化遐齡景福山聳川增下僚傾
頌尤為至切

某官躬久大德業之資當盛旦昌期之會備攄妙蘊佐

佑聖神變化之勲加被草木巖瞻之望簡在宸衷佇聞
榮陟元台輔隆洪祚卑情不勝祈向之切

歲律更端椒觴稱壽茲為曩禮今古所同遠想簪履盈
庭冠蓋旁午某以拘縈吏役阻造軍門輒憑毫楮以代
慶儀仰乞鈞察

某疎逖庸微邈在邊圉仰視天府潭潭何啻霄壤前此
不自量分僭貢竿牘以為星辰之慶逮茲元旦復拜緘
封蓋以懷德誼殫布悃悃不敢自後於與人冒犯之

愆仰祈原貸

某迂愚下士昔荷函容黽勉蕃宣苟逃譴斥感銘厚德
實倍常倫更斲色匿荒垢俾獲保全依禱之私非言可
既

上叅政冬小簡

李久善

冬律屆中朔風凝凜恭惟協贊政機天錫純嘏鈞候燕
興萬福某遠託蒙覆尚稽瞻拜履絢謹勒手啓申塵記
史

載詞寢鍊之儀已列前楮比辰不審鈞履何如緬維寅
亮天工休有神明茂集繁祉七日來復萬寶潛萌仰上
體眷懷精加調衛以副中外之望

某官以宗工鉅儒經綸之業贊襄黼扆勤勞王家弼成
至治宸衷眷厚右揆久虛佇聞渙號之行別條賀牘士
大夫之論固不同之竊觀比載以來三光全而寒暑平
五穀熟而民人育道洽政治上恬下熙叶氣橫流頌聲交
作蓋由同心協謀彌縫輔贊以共成不拔之功某承之

偏壘得與遠方黎庶鼓舞化鈞不勝忻幸之至

星回昴陸化日肇書恭惟某官道與時生百祥萃止
某限以拘守官箴阻造牆仞第勤傾頌之誠輒修慶削
上美典籤伏幸鈞察

某一介寒微仰叨荷挺植雖專望崇墉執隔天壤而傾
依戀慕之誠夙夜無已自顧孱微宜安薄分故不敢數
貢柔纖以取狂僭之罪引領鈞墀恨無飛肉

某才幸枯梗無他技能久竊誤恩分符支郡實賴鈞造

包含未歸司敗私衷感戴未易名言更冀盛德優容並垂覆庇卑悵無任依歸之至

上王樞密小簡

毛伯穎

冬序凝凜恭惟叅翊化鈞樞機周密威名武震折衝萬里鈞候動止萬福謹具啓承候起居

某官道德謀謨經綸之學遭時艱棘纓冠授任威謀勳伐震動海宇社稷所賴氓庶具瞻伏乞保御粹和永膺多福

伏以妖氣未靖獯醜尚汚中原主上憂勤緝熙紹開聖緒信順體治天人參助賚茲碩輔同心同德廟算先定克集大功恭惟執事維綱調度指制勝萬全之舉近在旦夕播紳傾頌咸願舐筆和鈇鐫勒金石以追歌詩誓命之盛天下幸甚

某官以儒林宗匠登翊聖明運動樞極傳說旁求俊乂周公降禮海內人士莫不願輸肝剖膽自効於樂育鑪錘之末而某卑飛榆枋塵渺連蹇何足以辱執事之顧

眇然竊意洪鐘虛受無求不應區區悃悃當蒙矜照
某建炎初蒙召赴維揚行在與丞相張公比牒併名出
入於黃丞相之門才疎命薄所向跋扈桑榆頽迫俛仰
無成竊感某官以宏材高誼振拔汙險之中疎遠寒雋
無不嚮風慕義是敢飾其固陋願自附於樽罍侏儒之
末恭惟兼取並蓄之度有以材幸

竊以書生事業卑陋寒冷方時艱難賢哲馳騫褰裳濡
足惟恐不及而摩斫編削之技將何所施但竊伏執事

之下風嘗獲誦詠遺編葉沾飫於殘膏賸馥者久矣是敢效古人執贄之禮錄其不腆之文獻之黃閣下伏惟陶冶大公無棄金遺土辱磨汰而挺埴之幸甚

某人微地寒越在別壤於執事之門無葭莩鴻毛之重而率爾狂言犯分冒恥自通於記室以流俗之見言之亦可謂不思之甚矣然竊意執事以瑰瑋奇傑之度旁搜遠紹進用貧賢孤士以復古道以振流俗之際終不以其踴躍不祥而賜棄絕用是自決若執事辱幸教之

亦市駿骨致千里馬之義也干冒鈞慈無任戰越

上韓樞密小簡

王季高

申問起居粗如常禮庚伏災馭恭惟琳館晏閑神右勲
業鈞候動止萬福某竊祿祠館杜門窮巷末由瞻望履
舄遡風馳情不勝拳拳謹勒叅候

自錫邑津亭請違倏焉秋矣踈遠疵賤亡路擁篲以待
門墻即日不審鈞用何似暑氣正酷敢冀調護茵鼎保
合太和以篤相公盛大之慶以副海宇之望

竊以樞密端明聲名風采實魏王是似至於奮然不顧
遠使強虜其為忠義近時士夫所未有也扶顛持危正
賴柱石今乃解樞筦之重從祠觀之秩然鋒車之名其
在旦暮乎願戒舍人束裝以待某胸中索然無毫髮可
為時用者獨樞密存錄獎拔蓋三十年矣而某頑鄙倍
費鑪錘之力樞密刻意存就久而益切顧惟此恩何以
報虺珠龜印冀之異時而已僭越死罪

上沈樞密小簡

毛伯穎

春杪暄潤恭惟運動樞極嘉言孔彰折衝綏遠之謀海
隅蒙賴神理聽勞鈞候動止萬福謹具手啓申問黃閣
恭惟某官以全德大賢譽處隆治誕敷典冊入踐樞
極宥密之地伏想綸言誕告公門省戶之間播紳喁喁
罔不欣顙某素荷知眷迭聞褒詔切深忭躍

伏以某官道隆德峻見遠識微爰是翊宣萬機羽儀
表著聲猷軌訓之懿海內誦之今者光被贊書再登政
路實將闡融勳績嘉靖萬邦仰冀耑神養和愈茂棟

隆昂飪之素

伏聞某官促駕銚車入覲宣室懋膺華光講勸之重
尋具尺牘附致悰悵伏想已關眎覽惟是揆遜誨範歲
月滋久貌在遠服壅蔽朴愚瞻仰階符但增悃抱

伏以皇武鷹揚執敵震駭主上圖任耆俊惟清緝熙用
丕顯祖宗之休命某官以舊德元勲薦登樞近恭惟
經文緯武職思其憂佇觀咸劉式遏之功混一區宇垂
副具瞻之望

上徐樞密小簡

氣候漸熱伏惟從容右符神明其相之鈞候動止萬福
未緣忝承切冀若時保重倚須大拜

違去熒席雖涉日未久區區景慕若隔年歲向非親誼
周全至厚詎能使人拳拳不能忘如此憑書引領愈切
依歸

伏自擢司本兵之地即捷奏無虛日制勝之策何以神
速若此耶惟閣下至誠樂易其心休休焉蓋古之常人

古士非邇來縉紳所可及也當坐廟堂謀謨天下庶幾
厚德以鎮浮卓行以善俗一變近世澆薄之風則智名
勇功特其餘事耳

屬者獲依大庇苟祿數月亦已幸矣既已丐閒得請俾
遂山林之性此意豈可忘耶今茲翳迹華門寂無一念
時以扁舟草履放浪田里中倘未捐棄或以餘光振之
固所願也非所敢望也

賀陳樞密冬小簡

黃鍾紀律氣令凝寒伏惟運籌樞府天人交相鈞候動
止萬福某屏瑣微蹤遠依帡氳尚稽參拜赤舄謹勒狀
冒塵典記

脩詞鼎茵之儀恪具爨式邇辰不審鈞履奚若緬想惟
忠宥密贊計廟謨休慶之來百靈攸介天元肇復庶彙
潛萌願言咀調道粹消息時宜以副四海黔黎之望

某官偉才名世妙識濟時簡在冕旒擢專樞柄竒謀碩
畫遠邁古人輔贊彌縫實惟名哲行觀大拜以快輿情早

惛祈嚮之切

竊惟方今夷夏乂安四方無侮兵革偃息百姓教寧蓋由默運韜鈴折衝海表故治效之如此其盛某備員遐圉得與士民同其鼓舞實千載一時之榮遇忻幸之至倍極愚衷

書雲記候愛日初長恭惟某官道協剛明福祚蕃衍某限以官守拘牽莫獲走慶鈞階徒勤祝頌輒脩尺牘以露微誠仰乞鈞慈俯垂體照

某踈遠孤蹤仰賴洪蔭得以效能小壘瞻望鈞庭邈在
雲漢自顧分守有等不敢數貢柔函上浼聽瑩惟傾磨
戀慕之誠無時敢替敢祈鈞察

某浮賤之資濫分符竹秋間已遂書考政藉鈞庇之宏
得免曠瘝卑情豈勝感刻更覲至仁兼愛益賜色荒俾
遂安全誓將疲精盡粹以酬恩覆依戀之深仰丐矜念
中問鈞閱瑤眷伏惟上下各擁純休

某皇恐下郡恐有驅策乞賜戒約

郡王 太傅 太尉

賀韓郡王生日小簡

蒼精司候歲序肇端恭惟琳宇晏清天人叅介鈞候興
居萬福某代匱偏城仰叨雲蔭尚遙瞻拜鈞墀謹具柔
訥申詞記室

謹時申詞之儀祇載前楮即辰東風解凍氣令尚寒不
審鈞履復何如欽想優游祠館忠槩益彰戩穀之繁明
靈默贊更祈重為社稷生靈精調茵鼎下符祝頌之勤

元祚屆期三朔正始寔天地交泰之時品物咸亨之際
仰惟大忠碩德茂對昌辰福祿綿永早蒙瞻頌實倍等
夷

某官竒謀妙畧素蘊胸中茂烈殊勲久揚聞外功成勇
退恩寵益隆雖願神奉祠坐享封爵猶惓惓不忘帝室
之大計忠義之節更無前比佇聽進跪叩積考中書
以允協於師言幕府舊僚祈嚮彌切

比辰候屆三冬冀收九葉既歲功之已就實春令之將

欽定四庫全書

五百家諸芳大全文粹
卷五十七

十三

臨天於此時誕生賢帥英資偉質超冠等倫宜其夙奮
忠謀結知黼座扶持王運茂著元勲壽考之隆固將與
寶符同其久長欽頌之情毫楮難盡

某孤寒微蹤久蒙獎庇恭逢降岳令辰及此新節當躬
造崇墉廁賓屬稱觴之列限以賤守攸拘不克如志輒
以星香末禮及祝疏慶函冒塵瑩座敢乞鈞慈俯賜鑒
照

某迂愚下士備數蕃宣獲逭譴訶實由恩覆更覲盛德

愛人益賜提携俾安於終始瞻依懇仰彌激懦衷

賀韓郡王冬小簡

冬序向深寒風加勁恭惟棲神真館天祐忠勲鈞候興
居萬福某仰竊雲蔭未由瞻望履綦謹拜手干冒典書
申候記史已列前楮邇辰不審鈞候復何如緬想玩道
祠庭密扶宗社休祥之行山聳川增陽氣方亨氣候凝
凜切祈勉體眷懷精調茵鼎飪下慰傾祝之誠某官以
雄才碩量為國宗臣功在王家芳垂史冊用能顯膺茅

土茂對龍光身名俱榮超冠前列暫茲鈞逸琳宇益著
丹誠佇聞正位上公以福天下

亞歲今辰有生同慶恭惟巨德履之戩穀駢臻某祇畏
簡書拘於職守不遑趨廁賀客之後塵徒勤頌頌輒修
短牘以露愚悃仰乞矜察

逖違榮座荐易星霜鄙心傾馳無日不在墻仞吏事倥
偬不獲時拜柔函第深悚愧伏惟鈞仁俯賜恕亮某駕
鈍之質假手偏方實自獎拂之素每思夙夜恭勤盡心

撫綏以仰稱於知遇感幸之私無以為喻

某碌碌無竒徒勞小壘遠賴蔭越苟免曠濫已書兩考更覲盛德終始提掖不勝至幸瞻跂旌戟志往形留

上陳太傅小簡

季秋謹時伏惟道隆德重勲業赫奕社稷攸繫神明相輔鈞候動止萬福某服力職事不敢上煩賜念謹奏啓
上聞

區區上承問候之禮敬布右楮邇辰不審燕申餘暇鈞

用何如伏乞仰副宸衷禮眷之渥寶練冲和某傾頌
某踈遯之跡伏自一違鈞閱屢更歲籥巖瞻景仰不勝
下情某拘絆天涯未緣忝省但深依歸戀慕之誠

某微賤無取引分自慊不敢輒修竿牘塵汚几閣恐速
僭越之罪仰惟鈞度容涵未賜譴訶下誠幸甚

恭惟某官協德位師端誠考古功名終始深契禮經
惠澤元勲四海蒙福天錫難老永固壽祺天下幸甚

某孱鈍竒危一介之賤承之鄉郡閱日滋久無補事功

方虞敗黜茲蒙朝廷以某芟艾狂卒叙錄微勞賁以宸
章進直龍閣飾之魚綬就叅漕計寵數便蕃踰涯益分
內視缺然有此遭遇以榮為懼實惟鈞造曲賜甄收嘏
枯吹生自卵而翼天地父母之恩恐未致是某敢微幸
會豈敢須臾以忘道阻且長無由趨詣鈞屏待面以叙
謝懇下情無任悚恐之至

某人微望輕智踈術拙蚤被眷憐得預使令之末已為
莫大之幸仰承恩數遂使綿薄而總繁劇冗賤而陞清

華出於覲覲之外非所宜蒙曉夕恐畏如臨淵谷近當
殫思畢慮竭盡駑力庶幾無辱門墻而已

某本路恐有驅使事件乞賜鈞諭願効犬馬之力

鈞閱寶眷伏惟神示相佑坐擁休祥

上劉太尉小簡

問訊起居狀於記室之史頗涉僭率殊深愧惕春寒尚
凜恭惟總領大軍紀律嚴整神明依護福祿駢集某
竊祿祠館末由伏謁幕下逆風馳情謹奉狀恭候

某承之行朝每荷優遇比者得請而歸更勤飲餞區區
感戴未嘗少忘即日不審鈞候何如氣候寒暄未節敢
冀為國家眷賴倍切調護以副天下之望

某還家幸四境無虞得以偷生田野皆出大芘敢不知
幸但乍歸一番應接擾擾無少暇以故不即寓狀起居
其實於左右未嘗不倦倦也

舍弟於門牆雖昧平生伏蒙特達許辟置帳下剡骨感
藏更望留念早賜成就幸甚晚瀆上聞伏深愧懾

賀劉太尉小簡

即日凝寒恭惟鎮撫豐暇神明協相台候動止萬福某
遠託恩庇末由恭覲伏冀為國自重

某違去旌幢於茲累年下情傾仰無物以喻一行作吏
救過不暇追數初心每用慨嘆何當躬詣帳下盡布此
懷臨書重增悵望

昔歲病卧山中伏聞登壇受鉞之寵扶憊占辭因一叟
兵為慶迄今不返其浮沉殆不可保比遣使臣護綱至

鄂渚再上記頗詳悉伏計已塵台几感念恩義有不能忘者不在書疏之疎密耳尚幸孚照

某偶以宣威之檄分校特奏名進士於成都用四十日始得歸中途下拜因永康所賜台諭跪坐以讀恩意慈祥寒屋為暖薄暮就道傍僧舍取火作記未謝萬一益深感愧之至

某資中方報代已蒙朝廷記錄繼下沈黎之命顧何以得此不敢忘所自也重增感愧然某衰病益侵行挂衣

冠神武門下與草木同腐矣平生相知如公無幾輒布
苦懷臨書悽斷

台眷上下均慶有役願受令

侍從

上王尚書小簡

員顯道

未夏謹時仰惟宗深禁掖武部雄特職穹地峻神天扶
贊台候萬福某謹專勒記上詞興居

某中悃之誠右牋已悉比辰暑意漸盛仰惟師長百僚

羽儀萬化賢哲所介擁祥時萬益壽而臧伏巧妙用冲和永為王室倚賴下符字縣傾系之切

某仰惟某官誠明之質溫厚之文二者皆粹然不離所謂黃琮白璧天地之器南金東箭湖海之望嚮者屢試藩符均勞外府然汲黯寢謀望之雅意自當為本朝之重邇者黼黻所以深思旌車所以亟召先昇舊物行秉元樞旦夕真荷踵而須矣匪佞

伏覩制書以禁掖之任仰屬盛德百全之英誠足以施

六執之明效分九品之清濁縉紳君子與夫蓬茅之細
民間命之日皆歡興鼓舞引首南望恐除拜之緩也更
祈養望台衡遂熙庶政則山公品題毛玠雅亮皆不足
列於大君子之前矣

某區區一介譴劣下才鼯鼠五技駕馬十駕深慮不堪
世用今者恪將使事遠蔭晢蒙逖觀盛時登進良弼俾
無庸者得依洪庇與萬類同慶誠夙昔之願也感懷之
懷臨紙無極

上王尚書小簡

夏令云初炎蒸漸劇仰惟典正七朝昂來萬祉神天協贊台履動止集福某謹勒記上千典籤

比辰星迎東井風起南薰不審台座日用何似想惟濯纓清塗視草禁掖兩有勝適更乞妙護一節即正三階下情企禱之切

某官富文篤學燭理明道冠藝於南宮藹譽乎西蜀令聞令望表恭一世名流勝士殆未可企而及也五兵要

職八座崇班蓋聖姑示優賢之寵然超除特拜未見其止側耳白麻之宣黃扉之入匪昕伊夕也不誣不佞

竊惟國家膺福生靈兼愛南北則繼好息民折衝樽俎當有人焉今執事踐揚中外閱天下誼理甚精且博則附近懷遠之術勝殘去殺之義非執事其誰茂明之某寒蹤衰退遠塵使節旣聞德望今聆顯拜蓋喜庇身之有地也方墮萬里外不任進伏兩階乃情依依耳

上林尚書小簡

春律更調恭惟玉立朝端神示昭相台候動止萬福某
備員戎幕苟安分守乞不垂念矯首門下晤對邈未有
期伏祈養無害之剛成不貲之福俯慰中外之望

某逖遠台儀倏兩易歲惓惓高誼鑒寐不忘卑棲冗局
畧無少休念念拜起居之問迄今未果尚期大人君子
曲垂包容寸毫尺楮言不能叙

恭惟某官經術文章師表一世以八座之重進讀經
筵兼職翰苑自昔儒者逢時之榮何以加此然薦紳之

談尚以未究施設為歎况某受知素厚者其私用延跂
宜如何哉即聆大拜慰此遐瞻

賀秦大資冬小簡

冬律方中祁寒彌盛恭惟提總蘭臺納忠文陛天人介
相鈞候興居萬福某備數遐陬仰叨恩覆末由恭拜鈞
堦謹勒手誠申溷典記不備

申詞茵鼎之儀祇具右方適辰鈞履復何如伏惟游情
圖典神佑傳碩哉穀之來日加繁衍一陽換節朔吹方

嚴更祈惠令飾調輔隆景祚以慰生民之望

仰惟某官英才妙蘊出類離倫名高斗南望隆人傑
故能擢巍科隆厚眷峻躋政府網舉圖書輔成緝熙光
明之美勲德無盛萃於一門考古驗今未有其比是宜
延保宗社流慶無窮超越乎楊公四世蕭氏八葉輿議
攸歸非某敢佞

天光肇屆動植咸亨緬維碩德履之茂膺純嘏某以拘
職遠方不獲走廁縉紳獻竿之列輒藉毫楮以摠頌

之誠伏惟鈞仁曲垂矜亮

伏自拜違恩闕三更歲籥感戀之深發於宵悟實念雲泥勢隔不敢頻以竿牘微禮冒玷典籤仰覲鈞慈察其非懈特賜原貸

某坎壈微蹤久荷甄播叨竊承宣之寄雖偏方遐徼夷獠雜居自昔號為難制而遠賴朝廷威德莫不革心向化以故柔良樂業得以安其愚拙舉家飽煖實出鴻私感激形言曷殫愚悃

某資品凡庸濫膺符竹勤勞綏撫已越暮年自非恩門
覆護曷免譴尤鏤骨銘心誓大德酬更靳鈞造加憐始
終全庇下情依戀不勝惓惓

上張徽猷小簡

春序劇喧物華滋勝太平和氣海宇翺翔恭惟志茂經
綸術恢康濟精忠許國膏澤在民神之聽之百祥來舍
台候動止萬福謹再奉手啓布起居不宣

邇辰緬維雍容轂下步武廷中謹論贊襄宏謀啓沃均

調國論叶濟化工密勿進思優游退食天人叅介福祉
川增更祈上體眷懷俯從頌詠保綏養寢必齊冲和倚
需大用

竊惟緣衣侍膳日奉鈞顏溫清問安門闌多慶某一麾
旆繫數仞雲高渴奉羽儀第深景企拳拳鄙素筆墨奚
殫

某仰惟道學資深淵源浩博代工之業夙稟生知熙載
之謨率由自得嚴途穹峻拱侍宸旒倚注方隆眷昆益

厚渙恩異數輝映無前廣譽英聲飛騰天下縉紳咸慕
豈特區區

某近被上恩再司戎律黜幽是懼仍進官聯受命拜嘉
汗顏殞越俯惟派遯曷稱使令茲蓋某官惻憐陳舊
推僭迂踈特達之私未知報塞某伏思燕南趙北點虜
殊鄰必擇賢臣付之閫干城方畧禦侮內視缺然益虞
訶譴徒誤獎知旦旦省循曷勝戰汗

某濫乘一障遽閱三秋上賴聖算授成天威宣暢廟謀

制勝堂上折衝烽燧銷沉枚靜其如碌碌第守平平加之疾急侵陵熒然老境嘗攄危懇輒丐投閒比奉御封驟頒綸告臣子之分莫獲循牆然而某膂力既憊素餐尤甚支離受粟實不遑寧久沐眷憐諒蒙記恤

某上問台閤寶眷伏想順迎暖律茂集春祺

某此中有委願効驅策

上陳侍讀小簡

燕閒豐暇台侯萬福某病即林壑未由占見尚冀為國

自重

起居狀比復何似益冀齋疾自謹再極文章禮樂之選
下情傾頌執事進退異常譬之堅車大艗非有所却不
能至也一宿留則弭節緩轡於禁途矣

凌雲之別已墮夢境出處喧寂不同書疏兩絕念之慨
然有懷種種非索言不盡

某初心舊學槁落盡矣下執事哀之以華緘妙語鼓氣
健讀恍覺神觀復還也幸甚過望扶憊占詞未謝萬一

欽定四庫全書

五言家語
卷五十七
大全文粹

三

上胡侍制小簡

孫仲益

過都一望履約禮遇益厚而以忽忽就別不獲奉周旋
為恨日候召歸郊見以盡餘懇

伏審寵還外制未敢為門下慶聖主圖舊示大用之權
輿黃閣紫樞自此超進區區慰喜非朋友之私也迫於
嚴詔襍被造官踈庸拙於用大已再具奏控免所冀聖
主哀憐放還田里以遂魚鳥之性自內庭入輔非公而
誰

上莫吏部小簡

某罪垢衆所鄙遠首蒙車騎踵門存勞甚寵一復感著
道路流離彌時方有息肩之地占謝不敏伏希亮察
新命登冠六卿除書傳聞顧以遠外不果陪附賓客下
陳一贊左右之喜尚冀珍攝以需大用

據案之初訟牘紛然皆數政不決之訟而因循流弊又
性所不樂盡索案牘寘一室中時時省閱之吏詐民寃
如辨白黑甚有可樂者但塵容俗狀已稍見於眉睫他

日復得相見定非故吾矣

上陳寶學小簡

不審起居復何如前輩舊德惟公一人益冀珍寄以副
大夫士歸重之意

違遠熒座一經星矣中間多故書疏不登几閣之下但
增愧嘆其於忘年左顧之恩尚朝夕念之伏幸恩照
某與下執事書疏往來小紙博封舊矣輒占辭作牋扳
俗下之禮有未能去者伏幸洞照

上樓學士小簡

某孤陋無取人所棄絕過而不問獨蒙眷獎弗替疇昔
因獲登門牆聳聞訓餘懷感恩德殆無以為語即日炎
溽可畏恭惟密侍黼展明神議相台候萬福竊冀葆光
佇迎柄拜不勝惓惓

某官以備道遠業上簡眷衷踐揚華要尚茲綿力未副
四海具瞻公議鬱鬱佇膺蚤莫登拜入叅揆席大福
天下豈特門闌最爾永有依歸不勝祈懇之至

上侍講小簡

孟春謹時恭惟道尊德隆神天拱護台候動止萬福某
仰託華庇末緣詹對伏冀嚴衛威重永綏斯文

某僭候興居既公牘謹矣通辰元正肇啓氣候澄清不
審神觀何如敢於使人問興寢竊知衛生有經萬有忻
慰得台候無恙為清朝綱領為斯文東道主此豈小事
也

恭惟某官以一代文伯如唐韓柳氏上方偃武右文

登用俊傑審如執事合位要津某遊東南無問貴賤皆
如此言某不敢欺某不敢誣潤澤蒼生定在朝夕與在
陶鑄可見此心

某誦執事之文願樞衣下風既有年矣踈踐僻賤無路
自効今者使人數百里一旦扣門墜之雙緘明珠大貝
舉以遺匹夫某何堪此賜但傳之朋友以為耀耳

某不腆晚生得與諸儒至于庭上不以其言論朴拙擢
之首冠山林鄙野非真宜稱也實惟鄉先生台光之所

欽定四庫全書

五百家播芳大全文粹
卷五十七

二十一

照臨某不敢自私尚容趨伏牆仞數露此懷

五百家播芳大全文粹卷五十七

欽定四庫全書

五百家播芳大全文粹卷五十八

宋 魏齊賢

葉 蔡同輯

疊幅

侍從 卿監 正卿 員郎 朝官

上林內翰小簡

毛伯穎

歲律道暮恭惟坦明述作潤色皇猷中和之氣宣變海

隅士林攸仰神明勵相台候動止萬福謹具啓承候下
執事

伏以睿聖勃興恢儒復古雲漢昭回之光下飾萬物天
啓賢業所以經緯天地黼黻百代某官以辭章軌匠
為諸儒宗摘華發藻馳騁六經百氏塞其芳蕤挹其流
潤光贊人文啓誘後學方將闡其儒效承寧康濟奠枕
于京四海清議無不聳望敢冀以時斟酌泰和保練冲
粹早膺典冊垂副具瞻下情無任虔頌某岷峨陬徼一

介腐生才拙，駕蹇聲華昧。曾無以振奮，枯槁決注潢。
汙仰望陽春，巨寢之末竊。觀某官絕塵希世之蹤，高
步青冥，為斯文軌轍，不自揆量，砥行立名，以求自託。附
驥尾而致千里，敢飾其固陋，不腆自通於下執事。仰惟
樂育英才之度，有以幸之也。某棲遲岷蜀之蹟，早兄望
神覩觀，如在霄漢，固未嘗得儆戒衣佩，贊其姓名，通謁
於大君子之庭，以自附於一時賢雋，纓紱之塵垢也。

頃緣郡吏之職，論列五事，不意其文偶經某官之鑒裁。

凡厥朋舊籐書移報皆汗辱執事曲加稱獎論薦於公
朝詩於稠人廣衆中自惟不腆固陋何修而得此韓退
之有言身在貧賤為天下所不知獨見過於大賢乃為
貴耳不圖漂末小子有此嘉遇榮幸欣荷渺然六尺之
軀無以負戴

某政和二年忝冒名第建炎中誤蒙收召邁跡文館遭
維揚之變垂翅北歸賴清廟樂育之仁三忝郡符粗知
奉法循理攻苦食淡恪恭職業年華日侵舊殖荒落豈

敢復希英雋之塗轍比蒙某官一賜題品溝中斷木
遂有青黃黼黻之望輒修短啓并所業一編專人遠獻
黃閣下伏望討論潤色之暇畧賜觀采而還以一字之
褒貶庶幾駕蹇之姿尚得振纓頓轡昂首奮臆無自疲
於沃若也干冒師匠無任戰慄俟命之至

某員備眉山當民俗剽剽吏道猥釀之地征調煩興日
不暇給粗能刻肌刻骨勞心撫字浸書兩考未貽敗曠
於朝廷素無葭莩鴈鴻之介先容之重而猥蒙齒記再

剖符竹諒皆某官慶雲清風洒潤而戴響游揚休明之
賜有此忝冒非晚拜命即當解綬待次林壤末由濯冠
沐浴趨侍牆仞仰望階符之光縷縷丹衷豈勝瞻悰

賀汪內翰冬小簡

冬律屆中天元肇序恭惟燕申休暇幽顯贊扶台候動
止萬福某承乏於此遠切雲庥末由忝拜光儀勤手訥
申詞記史

承候茵鼎之誠前楮已肅不審比辰台履復奚若緬維

德宇坦夷智恬交養百順千祥駢集慶閭升辰初屆氣
令正寒更祈惠序精毓粹冲佇膺峻台式慰士大夫之
望

某官與學離倫懿文貫道才雄王佐名擅儒宗固宜進
任鈞衡以攄經綸之遠業暫居外郡深鬱興情當陽剛
初長之辰正君子道亨之際佇聞名躋近輔以茂著於
忠勲下情祈向深切星回昴陸化日肇書恭惟碩德對
時誕膺殊祉某以拘縻吏役不獲躬造賓閣輒修手牘

以代慶儀卑悰無任祝頌之至

某才術疎虞徒勞偏郡遠荷台庇以暄譴訶恨未能趨
侍談塵以釋鄙吝惟山仰之心與日俱集比嘗遣介馳
貢訥柔已塵垢典書瞻跂門墻魂爽飛越

賀刑部侍郎新除小簡

熊子復

春色融和物華昭立恭惟榮躋從橐密拱宸旒台候動
止萬福某辱奔馳猶稽瞻望將叙勤拳之意輒修狂簡
之辭仰干典曹伏幸台察

祇詞燕居已遵彝式仰幾珍食敢致申言恭惟登侍於
邃嚴對此順祥於冲粹春陽昭蕩神物護持願加葆練
之儀庸副薦紳之望

伏審妙簡宸廷榮躋禁路優從臣之嘉頌審治古之象
刑恭惟懽慶某竦聽傳郵虔修賀贄仰窺賢蘊固知道
之將行退激於衷乃至喜而不寐依歸第劇頌嘆奚殫
恭以判部侍郎碩德鎮時高文華國彌縫省闥已糾著
於顯庸獻納從途果特膺於妙選當陟政塗之峻益觀

賢業之亨由階而升可拱以俟

夙仰英符逖依幪庇比纔抵於遠部已贊謝緘茲竊審
於新除敢裁慶牘屬方行於原隰阻親拜於門墻搖筆
怔忡伏楮惶懼仰祈洪度俯亮危衷

某拙無取材鈍不及事謬玷光華之選未殫毫髮之勤
惟仰藉於幪幪庶少遲於沙汰誓當圖報詎敢弭忘

台閤仙聚諒有休祥海部鄙私豈無驅委齋心敬祝綿
力願宣

上李侍郎小簡

玄冥司令氣候薄安恭惟燕處超然天人交相台候動
止萬福某承乏郡庠遠叨幪庇末由瞻望履絢謹具手
訥申詞記府

適辰不審台履復何如欽想道襟冲廣德宇坦夷百靈
潛衛慶祉駢臻朔律戒嚴漸覺凝凜更新妙毓粹和前
膺密召以慰士大夫之望

某官學貫九流智周萬物英姿碩德拔萃離倫實間世之

巨賢中興之良佐故能夙持從橐履撫名藩荐著遠猷
暫茲退寓遐邦深鬱輿情佇聞榮還禁近進陟鈞樞盡
發淵謨以康福天下縉紳士庶莫不延頸以俟

孤賤微生仰服重望為年久矣恨以未能進掃舍人之
門惟執鞭晞驥之心夙莫有加竭來黃舍密邇台光益
聞德誼之閎深愈覺志意激昂鄙吝潛去而况乎親炙
者乎瞻仰墻仞神爽飛越

上胡侍郎小簡

中秋氣候明爽伏惟論思之暇恭待清光神明輔相台
候動止萬福某待次鄉關方遠屏著仰冀上為宗社保
攝嚴重謹具啓居

某申問饗寢敬具右楮不審比辰台用何似仰惟貳里
司刑周旋禁掖福履蕃衍時序向寒更乞保御和粹以
副神綏之係

恭惟某官以忠孝結主知以文章壯國體碩德偉望
浩然歸望而回翔憲部閱日滋久輿論謂何倚需登庸

據發素學為蒼生解蒙中外攸矚非特門生之私頌也

某坎壈之資行能無取而又與閣下素昧平生伏蒙特達之知與賜收錄寵加論薦顧駕下何以仰承眷遇自非大賢君子以譽延晚進為心安得不遺葑菲下體耶
恩等丘山未知補報毫楮叙謝莫究萬一

某頃嘗求見而典謁者以謝客為阻既而南歸復造台屏又承旌旆入學士院俱曾拜漫滅之刺某既出門下自合日伏材館何致謝禮竟爾不果罪涉簡漫豈容輕

貸尚恃寬仁寘諸度外伏楮省循戰汗之極某蹤迹跡
遠加之拙宦不能追時以取世資甘心州縣蓋有年矣
侍從間非乏朋舊昨抵行闕間辱與進者而白眼相視
無戀戀故人意斯皆自取棄外復何怨尤豈期遭值洪
儒護短藏疾創相推借實出望外雖幽谷蒙暄未足比
擬此心耿耿啣德無改

某得邑僻左闕期尚遠居閒處獨因得尋繹舊學恐
誤知人之明何時俯伏墀圯叨預占侍遡風引首悵惘

如失

上王侍郎小簡

春事過半寒色尚力恭惟銓總之暇神所相勞台候動
止萬福某竊祿祠館杜門索居未由趨伏屏下謹具狀
恭候

某蒙恩便私遂遠門墻溯風馳情豈勝犬馬之戀即日
不審台用何似願言調護倚須柄除以副中外傾屬之
切

某僻居如坐井諸公遷擢漫不知省比至見報伏竊從
寵陞法從進贊銓曹某久被眷知屬以阻遠亡緣從賀
屨之末贊喜門下區區但切燕雀之抃

某承乏都司蒙視遇為最厚於其得請又飲餞之以寵
其行而哀懶不即寓狀叙至左右不審台慈能濶畧否
不然何以逃責某還家累月遠賴大庇幸四境無虞時
得以扁舟芒鞋放浪湖山萬想滅矣獨於盛時未能忘
情

上黃侍郎小簡

比者伏審光奉制書峻躋嚴要光采儒林增華法從縉紳歆仰為之嘆頌矧叨舊眷燕賀雀躍之情當復何如竊幸加亮

仰惟侍郎曩居諫垣議論切直孰不傾望風采比自侯藩入居禁林中外輿情方以鼎飪期於左右今茲擢寘適列實柄用之漸也以需進拜以安公議

某比貢起居之問伏計塵徹聽司時以未知除命尚修

舊稱繼聆寵遷近班追頌不及愧汗浹膚尚恃台慈貸
此情實

上楊戶部小簡

毛伯穎

初秋暑雨蒸潤恭惟光明扈從日侍威顏朝夕論思仁
言溥利逮於海宇神理聽勞台候動止萬福謹具啓承
記室

比覩報伏恭審某官釋天府浩穰總地官調制寵名
登進僉論允諧幸甚幸甚伏以時方艱難兵所供億修

六府而和三事出千里而具萬方倘非傑才孰稱此舉
願因長才之效躋論道之榮某素荷知憐道路艱阻不
敢具牋啓申賀不勝彈冠附驥之誠某自四月以來累
致不腆竿牘想繼呈徹文几哀悰落莫墊簿蹟領無
可言者素恃知愛惟日夜祠禱願執事早輔大政登進
羣材則鷄壘豕苓終在藥籠之末耳

上程侍講小簡

馮當可

台座至天彭已數日不審為况何如干將莫邪之器有

百鍊之精故其利無前閣下方以文章事蒙受知君相而忽逢短毀此正古人之所常然者造物未必不以此櫻拂成就而大振耀之也天下縉紳士大夫孰不翹首傾心以望側席之招如某倘未死滅尚冀得朋友之力湔洗罪垢其所覬願百倍於儔輩也窮通之際古人所難處漢獨一賈誼聞道一出長沙悲憂無聊夫內有九鼎之重在外者不啻一羽伏惟深入聖賢閭奧恬然於中人莫能窺其涯際異日富貴鼎來徐起而受心如所

固有區區有望於台座也

久去誨色近一見獲侍教者三月嘻笑飲食無非訓迪
既已歡忭自深矣以遂得見隱居賦什粲然盈編掃其
浮雲淡月之餘習而直以大雅中正為音其諷刺歸美
於修身行己補於世教者甚多所謂太羹玄酒有典有
則薄滋味不必他求矣今世人以佛家利人接物為功
然空寂無相非定慧所不能了如新篇理道坦然孩提
之童亦以開悟倘遂交口教授其為防備閑範力不勞

而功過之前日卒卒不能具錄敢望特為寄惠一篇庶
以為坐銘多荷

上都丞小簡

睽濶兩更歲籥區區馳情不少忘也暑氣正炎恭惟神
相賢業台候萬福某衰晚諸念泊然埽迹窮居叨
庇粗安亡足勤執事之念南望未田叩謁謹寓記起居
去秋上狀之後復以傳播洶洶挈家島嶼經時不聞人
足音雖念公甚勤無從嗣問為愧可量近歸故里方欲

少定求便具記俾來致所惠教竟為左右所先伏讀慙
感無以為喻仍審還自仙里諸況甚休尤慰區區都司
淹留亦既逾時諒朝夕必還持橐之除成德相見不踈
否想亦非久於棘寺者相距不遠未有承欸之幸臨紙
益深嚮仰自餘保練亟幸寵除以副中外之望

香茶辱貺精好皆今歲所未有物意兩重拜賜感悚暑
月第愧未有以報耳

與張大資小簡

孫仲益

某淪棄泥塗已絕意雲霓不謂野次有接待之款執事
存錄故交不以位貌為間置之客右至今踟躕不遑也
某辭去便趨荆谿路與壽朋館於橫山久乃移舟入善
權故人一笑之適凡十日而後別也伏念大資倦飛之
餘行復冲天矣恐未得專此閒也

伏蒙存省馳賜翰墨共成嘉惠三復感嘆某方圖掃門
之役猶懼以踈慢督過豈敢失言朝夕負荆門下謝不
敏

重陽令節追歡筋力非復故時伏蒙遣騎分送名酒洗
盞開嘗為之首一昂也糟薑亦已拜賜匆匆莫喻欣感
萬懷

上王給事小簡

某熟於先達之聲猷為日滋久雲泥勢邈早辜願見此
心邇依無以借喻何當磨近杖履一洗牢令引脰台屏
神往形留

仰惟某官以懿文奧學亟踐詞科揚歷顯途咫尺黃

閣尚稽大拜公論謂何竊揆制麻可立以俟沛然霖雨
一蘇萬物門生故更端有望於沾丐也聞之輿頌非敢
為佞

某仕無他長名聞不白於世矣勢孤援寡正虞罪斥豈
圖過聽曲賜薦揚雖至公特達不問踈外其如感忤何
以為辭面謝無期伏紙但深注仰

上湯司諫小簡

露凝曉爽風滌午煩恭惟天啟忠嘉神依直諒台候擁

欽定四庫全書

五言旁權考大全文粹
卷五十八

福時曼某猥厯守紱阻造賓閎猥修狂斐之詞虔奉燕
申之問

祇叙寒燠厥有定藝敬候夙宵是為申款伏想揖旻空
之爽氣揚諫路之直聲神默護持人傾頌禱宜擁多祺
之茂更膺新渥之華伏自拜違星鳳之宇屢閱歲時審
覲雲龍之庭存馳書問尚遲趨於牆仞第遙想於階符
聲則成文言豈盡意

恭以司諫以雅健之文淹貫之學而授異科以勁正之

德傑特之才而結殊眷自旋歸於井絡遂契合於辰居
記事左垣代言西掖果踐伏蒲之列已階挈囊之除將
荐拜於綸音遂預聞於機政用彰祖列允穆師虞

伏審光膺命冊易踐諫垣廟算夙成尚戒幾微之失廷
諍遲立是資獻納之良除目初傳輿情相慶綴簪紳之武
莫致賀詞剽簡牘之文第將誠意

蔭雲高閣星華大眷茂對清涼之序荐迎穫間之祥

上勾龍舍人小簡

欽定四庫全書

五百家撰芳大全文粹
卷五十八

十一

寒氣日炎伏惟揮翰紫微默運神相台候動止萬福某
屬居賤職恭覲末由謹具啓申詞典籤

某候問興寢謹具副封不審比辰台用何似仰惟日侍
清光密陪國論天氣順迎霰穀茨茂冬序向深益御充
粹以需柄用卑情無任虔和

恭惟舍人侍講資望兼隆名實素著天下以為宜登法
從久矣迺者伏蒙越由杜史進直西垣優恩所宜羣聽
皆聳諒惟潤色皇猷丹青元化其功烈豈淺淺哉惟祈

蚤步台極均福蒼生俾遲暮者獲覩盛際不勝至願
拜遠台光浸歷歲時雲泥勢異既無緣可親罄歎而起
居之間亦缺然不嗣罪涉簡慢夫復何言每念疇昔獲
親教誨復不能自絕輒貢尺書以代負荆之請倘蒙曠
度寘諸禮外尤為厚幸

伏承某官以燕許大手筆為明主所知豈勝忻沃之情
而川陸修阻思欲擁篲門牆有不可得巖瞻景仰第深
結約

與劉侍郎小簡

孫仲益

薦領手誨喜聞動止屬相去國謂公便遷朝廷而曲突
徙薪之功每在焦頭爛額之後何也然公豈久外者當
拱而俟之耳

公辭郡甚善龔遂治渤海奏言陛下無令丞相御史拘
臣以文法宣帝許之今者從臣守凋郡必度外有所為
而待歲月方可冀尺寸之功也若一人守之數十人伺
之搖手舉足便嗾獒為崇固不若明哲保身之愈也

與朱侍郎小簡

恭惟西清荷橐朝夕論思忠言美利陰被海宇神祇鑒
勞台候動止萬福謹具手啓承起居

伏以休運中興烜赫盛德而執事以道學詞章世其家
聲風華譽望冠映朝著海內清議日竚延登變理之命
更冀以時保練斟酌冲和惠綏榮寵

備員士鄉浸書兩考無一最一狀可稱塞猥蒙朝廷記
錄再畀符竹吹噓借重秋毫已上盡出友念已於傳述

中及使人再致竿牘披露恐未徹省覽敢申言之
倘被臨卽命即當解紱休偃林藪以待次也然鄙悵固
陋心地蕪穢舊殖都落無緣樞衣趨隅一奉名理之誨
臨紙豈勝瞻戀

與葉舍人小簡

韓子蒼

某伏違歲久末路沅落挈挈過日故於親知書問例廢
不備猶憶初到臨川草堂僧迴曾持一幅紙道鄙意想
登几案也自此多病轉益藏縮了不見有人往泉南者

既不嗣音惟勤瞻仰忽辱手記豈獨把玩欣慰且將陪杖履於七閩之山臨紙喜笑謹具報萬分

某寓府今四年矣地當要衝無事即多過客每日刼刼應接不辨有事即軍馬上下不絕惴惴於此未嘗一夕得安眠也近來頗欲小葺茅茨與世隔濶庶幾餘年遠離憂怖然畢竟墮渺茫又欲去之他邦老病廢棄舉世不要正爾躊躇豈知有以尺書數千里外辱見招乎發書驚嘆此古大丈夫事尋常聞之簡策不謂親見之未

俗中也窮窘漸湏打疊加以熱甚只候秋風緊韜草鞋
已託鵬舉使君營一居處得寬潔高爽乃稱遠客耳雖
未參晤預想聲顏已深欣喜

蒙諭所歷道路具悉私心久欲遊閩常日問人胸中已
自有一卷行程敢不遵依竊知草菴得妙喜師開山不
喜妙喜之得此菴喜此菴之得妙喜也然此道人孤高
絕俗與世寡合此正是其所長以故人惡嫉之者衆惟
曠懷偉度乃能期之物外若得安居使老園悟之風焜

耀泉南實叢林盛事也

與錢石司小簡

中春尚寒恭惟台候動止萬福某藉遠茫幸四郊貼然
得安里閭唯是隔濶未有承教之緣溯風瞻悵不勝拳
拳

某都司方幸親依蒙恩便私遂有相遠之嘆雖時見令
弟得問起居狀而老懶竿牘竟為左右所先開讀感悚
無以為喻別後為況何如高才碩學時論屬望久矣諒

惟遷擢可拱以俟惟幾調護興居以副輿望某居鄉兀然無他念惟族人與親戚故舊時設酒相娛樂從道人釋子為清遊閒放有餘獨與左右參辰此其恨也

與張侍郎小簡

張安國

季秋之月恭惟天相耆德台候動止萬福某謹上問侍郎自布衣以道德文章師表天下又卓然以公輔之望歸先生者三十餘年矣大而不容身屢挫而道益伸今雖閭里燕居朝野善頌恃公以為主盟敢乞精護寢興

垂副蘄鄉

某無所知識皎然以心願以身託門下庶幾不為小人之歸惟古有弟子所以承師之義未嘗以書傳也今一再拜教溢於牋翰顧皆非其所宜得於先生者蓋未嘗承顏接詞則宜先生之不知某也先生儻有收拾之意繼今以往請受命

上葉侍郎小簡

某屬者輒以書牘申布記室伏蒙台慈寵賜答翰撫存

深厚仰佩眷憐豈勝欣荷某茲者蒙恩起之祠祿畀以符竹伏念某一介冗散憂患頻仍志慮凋喪齒髮耗落
宜宜叨冒郡寄惟侍御日矜憐獎與成就之賜感激恐
懼交集於中謹當鞭策疲駑夙夜黽勉上副朝廷惠養
元元輯和封疆之意伏惟矜察

伏審光膺明詔進長霜臺風采益尊綱紀日振惟侍御
稟剛方之操而行正大之言當天子開衆正之門而膺
雄劇之任君臣合契千載一時公道顯行國勢增重天

下幸甚某出入門牆久蒙知遇欣聞盛事為天下賀獨以私門多故夏中奔走中暘得疾危殆以是修敬後時不敏之愆無以自文倘恃大雅遠度有以寬貸某下情併深惶恐

上中丞小簡

春氣漸暄伏惟肅正臺綱神人交輔台候動止萬福某遠託雲泥未諧叅侍謹具手啟仰承饗寢

候問興居已布右幅不審比辰台用何似伏乞保御粹

和節調神觀以綏多祉下情至叩

迺者竊披邸報伏承光被綸言峻遷臺長朝家得賢公
議胥協恭惟歡慶某官守拘孿無由俯伏台咫稱慶
引企恩闕第深頌詠某仰惟憲臺實百僚綱紀地雄峻
莫擬自非光明中正不畏強禦孰能副此眷遇恭想垂
紳正笏勁氣危言大愜聖心玆期進秉鈞軸用究格天
之業

歲前人還伏蒙台誨寵答祇讀再四感服謙光無以為

喻顧敝帚遺簪人所弗取迺辱記憐未忍終棄惟當鏤諸肺腑永矢弗諼區區叙謝言不能既

迺者天意悔禍遠人革心前日河南故地悉歸版圖恩沛一施四海洒然相慶以謂我宋中興恢復大業在此時矣恭惟中丞雍容進對所以仰裨國論當載之簡冊焜耀今古上方虛佇至言願益罄忠嘉以永終譽

上辛侍御小簡

春半尚寒恭惟台候動止萬福某遠藉庇賴幸四郊貼

然得以偷安田里唯是隔濶未有承顏接詞之幸邈風
瞻恨不勝依依

某備員省闈方幸親炙蒙恩便私自此遂遠門牆南望
瞻依但切犬馬之戀即日不審台候何似恭惟神佑忠
勤益介景福春候深矣寒暄殊未節敢蘄妙晉和倪副
主上眷倚亟躋中興天下幸甚

某居鄉數月時時聞佛出世獨年兄尚徘徊烏府縉紳
之論甚鬱也竊以盛德之士主上虛已擢之言路仰惟

聖意豈徒然哉蓋將自此尊用之也中外喁喁日夕拱俟

某乍歸一番應接之擾故於記室之間為不敏今者寓記又恃末契不敢作圓緘外啓敢幸恕察

上張侍郎小簡

毛伯穎

歲律道盡涸陰沍寒恭惟光明近密崇論宏議朝夕獻納激昂萬乘休被四海神祇聽勞台候起居萬福謹具手啓承下執事

恭以某官道學辭章才猷智畧隱然為搢紳領袖更
踐履歷所至治辨太阿龍泉游刃恢恢簾席眷思日奉
清閒之燕忠嘉啓沃便當叅翊政路敢冀以道保練斟
酌粹和順受多祉以慰僉論

伏自石渠拜違雖嘗數致簡牘亦蒙裁報詞音渥密盱
衡推轂之意寒素榮幸但恨縻於郡符日恪俗吏之繩
墨無緣彈振冠裾以奉使令於前稍希螟蠲之化凝素
墻仞豈勝瞻結

恭惟某官祗膺溫詔還侍禁途聲華章章聳動朝野
某辱在賙昧之末獨深賀厦私情輒具短啓少摠誦詠
德美之萬一千冒省覽伏深聳仄

某備員眉山庸庸碌碌無一最一狀可記蒙朝廷收齒
再畀臨印符竹人微地寒素無容援何以得此諒皆
某官吹噓借重之有素致此叨冒迺情銜荷筆語難既
久蒙教獎樂育服大匠之規矩然念栖遲郡吏日困簿
領朱墨書生事業無以自見每懷羞慙恐負疇昔知遇

輒繕錄近文一篇專人馳獻以幸指瑕投類之賜

上嚴司業小簡

某申詞菲誠恪宜公式即此秋深氣冷伏惟誨育多暇
天人叅合台候起居萬福某承乏支郡遠切蒙庇尚阻
趨覲謹勒手牘廣沾記史

通辰素皓浸晚天高氣清未審台履奚似欽惟設教上
庠英髦誠服伏祥之至默有相扶更新妙護鼎茵別膺
顯拜式慰傾禱之勤

某官傑才拔萃興學離倫科名德望皆為當世第一固
宜亟登翰苑平步巖廊以茂摠於素蘊暫總儒宮殊鬱
公議

竊惟朝廷偃革修文崇用儒雅具於兩學師長之任遴
簡尤精雖以全才碩德論之不過假途然宸衷眷注之隆
亦可見矣佇聞揭甌晉擢峻除樞衡以均福於寰海某
素蒙知照尤切願言

頃年備員仙府忝畫帥幕幸瞻際風度慰懽無窮

睽眇英規五更歲籥飄蓬遠官久缺修貢柔函惟傾跂
門墻夙宵罔替區區仰戀伏楮彌深

迂拙之資分符遐徼仰叨河潤之深黽勉綏懷已書一
考向慮踈愚有所未逮更賴雲庥廣被俾追譴呵不勝
至幸仰恃台念敢布腹心

上陳司業小簡

素商晚告萬寶順成恭惟立道優閒神靈交贊台候燕
興萬福某遠竊雲蔭末由瞻拜墻仞謹具手訥申塵典

記

適辰不審台履復何如緬維設科樂育猷訓漸漬戩穀
之繁顯幽咸相金氣蕭瑟氣序向寒敢祈上體眷隆妙
毓神觀別膺晉拜下慰拳拳之頌

某官岳鎮儲靈奎躔終粹應半千之休運擢冠巍科蓬
室道山備彰該博虎闥槐市暫屈師宗茂實英聲騰播
內外某雖不才得與芹泮青衿共蒙教誨實不勝抃蹈
之至

竊惟中興在運主上登崇俊傑以熙帝載急賢之心惟恐不及矧如鴻儒碩量超邁時輩固當待以不次之任雖作成多士有賴高明而士論輿評殊未厭也佇聞進登槐鼎康濟天下以究淵衷早悰祈向尤倍夷等

欣服重望為年久矣踪跡萍梗莫獲進瞻英矩徒勤山仰迺者誤被宸恩俾尸校舍遂獲託質宗範尤增欽詠雖祇服官箴末由親炙榮席而向風慕德知所取法實不異於面承啓迪也瞻跂崇墉恨無羽翮

某性質庸鈍學術荒疎塵切末第奔馳薄宦俗吏徒勞
漸忘故業今幸隸職庠序得以溫存故習以率勵於韋
布實出巨庇更望台光俯矚俾得効於微能以攀附於
鱗翼之末不勝萬幸

某沉冗下僚未獲趨拜履甚當宜不量薄分輕奉竿牘
以浼聽瑩蓋恃至仁寬裕不棄孱微兼區區悃悞舍此
無以自見是以忘其狂斐敢爾冒瀆下情不勝戰慄
其中覆台閣寶眷恭惟中表咸擁殊休

某上覆都梁恐有驅策幸賜台旨當期盡瘁以稱器使

與錢直閣小簡

已秋暑氣尤酷恭惟即日台候動止萬福比有自邑中
來者訪動靜聞大旆喜達里門咫尺請見可勝欣慰然
畏暑須稍涼也謹勒叅候

前此上狀正愧率畧回人蒙賜報甚寵三復謙眷無以
為喻比辰不審台用何如游宦之久奉還清之直懷郡
紱以歸見親戚故舊諒深慰愜尚此阻濶遡風馳詠不

已

與詹監學小簡

違遠風度四年矣乃心景仰與日俱深春寒侍次履裕
起居康福某庀祿祠宮諸况初適未卜瞻晤願言將重
以候殊渥

向在濠梁忽得脾疾遂乞辭東歸今所苦已幸安愈平
居多不出故不知車駕東歸遂致稽上狀以候動止萬
福使至忽辱真翰欽佩眷契閱復感藏何如展奉以布

區區向風增慕

伏審榮授北都監學豈勝欣抃才者得此不失故步亦足以養高也第恐朝廷別有除擢入資國論以福天下不佞

與陳判部小簡


暑氣蒸潤恭惟握蘭華省地任清要風華馨望藹然縉紳神示勵相台候萬福某備員彫郡衰拙勉強於軍興多事之時絕長補短粗逃罪悔尚賒展晤更冀保練充

粹即膺持橐之寵

睽別多年每以臭味之感猥蒙簡記東南人便數領翰
墨推襟送抱白頭如新幸甚頃見邸目知南宮舍人之
除緬想以道學緒餘摘華發藻百音皆奏隱然與三代
同風掖垣館殿指期遷擢區區夙素不勝彈冠之喜

郡卒回奉被春初所賜教染兼惠貺團茶拜受慙感銘
佩無忘師坐素昧平生自到成都頗蒙青顧近以陞陟
論薦乞火借重知有所自甚因通家訊為道區區奮激

之意千萬裁照



五百家播芳大全文粹卷五十八